

928
7
3

廣
成
集





廣成集卷之十二

廣成十三

上都太清宮內供奉應制文章大德賜紫杜光庭撰

醮名山靈化詞

敢十三

伏以大道融精是分二象元尊布化以播萬
靈咸稟運於裁成共輯寧於邦國欽哉群聖
寔總休禎伏自應天順人開基創業雖未致
昇平之理而幸成富庶之鄉四國爰來百辟
咸在人心允若天意昭然而或教失義方情
牽慈愛付塗盛之大任委監撫之重權庶人
元膺益恣曾襟都忘孝敬用奸邪之扇惑興

背叛之兇狂矢石欲及於乘輿金鼓近宣於
侍從猶賴上天垂祐靈化降祥不容梟獍之
心坐殄豺狼之薰未更昏旭悉已蕩除中外
再寧寰海稱抃爰擇良日仰報威靈遠中昭
告之誠輒罄潢污之薦敢期鑒祐永叶安貞
不任

敢十二

鎮江侍中宗黷解纜醮水府詞

伏以道化所覃神休普被上惟邦國下及人
倫咸資拯護之功潛假保持之力古今無爽
水陸攸寧臣猥以常材叨逢聖運經綸締構

廣成十三

慙無竹帛之勞渥澤超昇累荷乾坤之造遽
蒙睿獎顯授兵符登韓信之齋壇授呂侯之
金鉞錫茅分閭推轂專征省循徒切於兢榮
倚注靡容於陳讓選辰揀日邁命啓行況楚
碛上游錦江下瀨舳艫則千艘拯駕泝泐則

萬派爭奔寔用真靈總斯陰隲皇帝宸襟所
屬每切敬恭思布化以睦鄰亦申謀而懷遠
雄師銳旅首在此行將解纜以乘流爰潔誠
而致醮伏惟玄元大聖五老高尊命靈將玄
司助洪休巨福迅浪皆期於利涉驚湍盡變

於安流萬里通津百神加祐克昌大業更廣
鴻基外屏中朝共臻禎福不任

周庠負外填本命醮詞

伏聞天鑒孔明有感斯應神道正直無祈不
通每垂拯護之仁以副禱祈之願祛災流貺
猶響應聲竊佩斯言常虔片志每因元命得
備焚修式勵深誠實荷明祐但慮塵機未息
過咎易盈官路所拘悔尤難逭因星辰臨照
值年運衰危但懼災纏敢思福會自從軍鄰
部寓跡外封一駐戎軒兩周天序既闕奏陳

廣成十二

之禮必招逋慢之愆本俟凱還併申醮謝今
則方當劇壘未議橐弓久曠香燈不遑寧處
是用馳心靈觀返叩至真備三醮之物儀同
一壇之闕告伏惟玄聖俯鑒丹誠解厄消災
延生保命宿瑕蕩滌徃咎蠲平克覩成功永
臻多福不任

大王本命醮葛仙化詞

伏以二氣資靈五行稟象法圓穹而定命體
厚地以流形罪福吉凶皆由陰騭運心履行
咸繫主張沉荷殊榮久叨重寄循涯省分常

切兢慙每因章醮之壇敢忘敬恭之禮冀憑
修奉上答君親今屬元君之辰詣本命靈化
精誠香火祈扣真仙願鑒丹襟俯頒鴻福俾
臣罪瑕除滌壽祿增延彊寓乂安生靈康泰
災毒無侵於四境農桑克羨於有年得傾葵
藿之心永奉昇平之運不任歸命虔誠之至
敬十二

大王初修葛仙化告真詞

伏以九隴名區三仙化跡上通心宿下鎮錦
川雲霞疊綺繡之光松桂竦煙嵐之色五宮
高闕狀西靈南極之儀四輔交輝列東華北

真之像最標形勝獨占幽竒斜界玉輪旁臨
石磴而屬師徒倣擾鉦鼓震驚火慧橫空霜
戈照野熊經鳥申之士抗步不還漱流枕石
之人拂衣長往春茲勝異一變榛蕪崇樓之
金碧塵銷廣座之儀容薜剝緬惟殘毀深可
歎嗟况某本命之辰配於茲化宜申締葺用
答真靈乃命三洞道士唐洞卿伐木鳩工揆
星選日得風箕直事當甲子良辰虔告至真
恭修大醮伏冀鑒其誠懇錫以休祥災沴無
侵功庸速就續昔賢之遺構成曠劫之良規

播美洞天勒銘雲谷然願真靈誕祐川境謐
寧稼穡滋豐災氛殄息受靈丹於九輔聞至
理於重玄常傾拱極之心仰副上真之貺不
任懇願之至

親隨司空為大玉醮葛仙化詞

伏以上清仙山葛真靈化為川中之勝境乃
天下之福庭呀玉洞以截雲聳瓊巒而蔽日
彩霞朝散神燭夜飛乳滴幽巖泉鳴深竇九
井之光靈自顯三真之彤靈常存拱鶴觀於
中方應龍星於上境紅軒紺宇舊制相均蕭

殿韋碑古跡鱗次每彰休瑞以及寰瀛臣以
本使蜀王元命之辰配屬茲化頃申締菁遽
獲周圍飛閣層樓奪晨輝於峭壁風窓雲棟
增異境於崇林再啟洞天用安錦府四十州
之封域歲稔京坻五千里之山河俗臻富庶

敢十二

四

人皆受賜孰不知恩臣曲荷陶銘實深造化
唯虔禱祝少答恩慈輒備醮筵上祈道力伏
惟九天孚祐衆聖鑒臨下燭丹誠廣垂洪澤
三川鏡廓八國塵清稼穡蕃登災氛蕩滌神
傳靈藥克享於遐年功讚聖朝永隆於大寶

再安社稷常福寰區臣不任禱福希恩虔誠
歸命之至謹詞

舟處儔還北斗願詞

伏以垂象上玄照臨下土帝車運載杓的指
揮罪福吉凶咸歸主宰臣等頃因銜命遠涉
道途踐歷艱危登臨險阻每持丹懇潛祝玄
真果蒙鑒祐之恩克獲安寧之貺仰承靈澤
志切上酬敢因某日之辰虔備焚修之禮炷
香答願拜荷玄恩仰冀高真採納微款祛災
蕩厄增祿延齡來往坦夷公私貞吉路岐無

滯眷屬咸安常親日月之光克奉休明之主
不任

紫霞洞修造畢告謝醮詞

伏以大道希夷神仙變化示無方之妙用垂
不測之玄功幽讚帝王潛扶邦國惟今及古

敢十二

五

史冊煥然所以唐堯始射之遊軒后具茨之
謁周穆之登瑤水漢皇之幸崑山皆披眇煙
霞瞻窺冰雪是用享年遐永致理和平克振
宏休允彰道祐顧惟涼德啓創丕圖金闕玉
京敢急敬恭之禮九清三境每懷寅奉之誠

粵以永平二年壬申七月二十一日丁卯漢
州什邡縣獲太上老君錫命誡文留玉篆於
仙居刻銅符於厚地生辰命屬時日姓名叙
奕世之蟬聯明卜祚之延久四年八月二十
四日戊子利州團練使王承賞奏此山靈洞
顯見神仙遂命威儀任可言高品揚知淑專
申告謝仰答先靈十月一日甲子纔啓醮筵
再聞應見雲旌羽旆參差崖壁之中鶴態神
儀羅列洞門之內事邁於回山瑤水美超於
姑射具茨祗荷禎祥彌增震惕是用考諸典

廣成士

七

禮特舉封崇以是月甲申改道長山為玄都
山陽謨洞為紫霞洞景谷縣為金仙縣封玄
都山神為玉清公創厥壇場鼎新觀宇自初
揆構逮于畢功累見真儀益彰靈貺謹遣金
紫光祿大夫左諫議大夫廣成先生蔡國公

杜光庭等一十二人賫信幣香花按玄科具
典於紫霞仙觀修金籙道場況屬下元允當
大節式陳昭謝再顯旌封伏惟洞府眾聖高
真仙官寮宰鑒茲丹懇錫以玄休使九土乂
寧萬方平一天宮地府常垂愷悌之恩卜世

伸九曜醮祈蠲潔丹心歸依玄極伏惟衆真
大聖俯鑒明誠蕩滌罪瑕解除寃債消平災
厄延續年齡增祿祚於南昌落凶衰於北府
洗心克己上酬真聖之恩奉國推忠永答君
親之德臣不任

又本命日醮詞

臣聞天地之德以生爲先生成之恩以福爲
本臣叨承福會獲奉昌期蒙三光照燭之慈
荷聖主儀隆之澤便藩寵遇履歷顯榮每虞
於福過災生惟切於持盈約已彌增惕懼豈

享齡克叶延洪之福稽首謹詞

洋州宗夔令公本命醮詞

伏聞誕質流形成資大道稟生賦命必繫上
玄荷乾坤覆載之慈均氣運陶甄之力惟精
修勵寅奉真靈伏念臣獲以微塵累叨皇澤
入參輔衛出領藩維曾無涓露之功常切流
盈之懼今則曆象之內身宮之中暗曜正臨
火星對照慮成厄會無所告祈竊惟太上垂
文元皇設教正一著修禳之品河圖有陳醮
之科苟罄精勤必蒙昭祐敢因本命之日爰

敢十二

六

廣成士

伸九曜醮祈蠲潔丹心歸依玄極伏惟衆真
大聖俯鑒明誠蕩滌罪瑕解除冤債消平災
厄延續年齡增祿祚於南昌落凶衰於北府
洗心克己上酬真聖之恩奉國推忠永答君
親之德臣不任

又本命日醮詞

臣聞天地之德以生爲先生成之恩以福爲
本臣叨承福會獲奉昌期蒙三光照燭之慈
荷聖主儀隆之澤便藩寵遇履歷顯榮每虞
於福過災生惟切於持盈約已彌增惕懼豈

敢違安今則躔次之中身宮之位火星對照
暗曜正臨仰垂象以冥心何階告謝顧微生
而勵志但切憂兢是敢於本命之辰備河圖
醮禮虔披丹悃冀降玄慈伏乞賜臣災咎消
平凶衰殄息壽年增益祿祚豐延得傾嚴奉
之誠永答至真之祐

敬十二

七

越國夫人爲都統宗侃令公還願謝

恩醮詞

伏聞至道玄通隨機赴感冥丹心於下土動
玄鑒於上清響答無私影從靡隔妻夫王宗

廣成十三

九

侃男承肇等去年以統戎伐叛勤國勤王俯
迫孤城遽淹旬月烽煙警急音問寂寥瞻衰
沔以魂馳望山川而目斷憂危徒切祈叩無
門遂虔詣道宮乞申章奏嚴陳法席降請天
兵盼蟹感通真靈保佑俄開堅壁大破兇狂
成掃蕩之功副聖明之獎骨肉團聚師旅凱
還剋平實自於睿謀護助亦兼於道力輒因
良日昭答玄休重申章醮之儀式馨謝陳之
禮精心備信拜手然香仰真駕於三十六宮
祈大儀於八十一好庶祥輝烜燁低臨壇墀

之前巨貺滂洋永錫邦家之吉聖圖遐永舉
族蕃昌誓勤嚴奉之誠克副靈真之煦不任
荷聖謝恩虔切之至

司封毛絢負外解災醮詞

伏聞道氣宣行玄功鼓鑄三靈資稟乾坤司
覆載之權五緯操張寒暑柄推遷之運由是
挺生賦命咸繫天關福善禍淫畢由神化是
宜格勵以奉靈休粵自幼冲即逢聖日便藩
異獎寵沐殊恩北省南宮亟榮於踐歷紆朱
曳紫已極於輝華常推報國之誠每切律身

廣成十二

之戒尚慮陰陽揆課或值凶衰厄曜運行或
為臨照興功動土有忤於龍神履行立身或
虧於畏慎未申析懺倍用兢憂今則立運臨
於命辰天符飛於艮地大運在戌仍值魁罡
土星方伏於身官所照對衝於丑位懼成災

敬十二

咎彌用驚危伏聞南府文昌主生銓善北宮
斗極舉過懲非吉凶無爽於錙銖報應有同
於鏡象真教開懺陳之格惟感必通玄經垂
醮謝之儀有祈皆應輒因吉日虔備醮筵披
瀝丹誠冀迴真鑒伏乞賜巨解消災滯蠲釋

凶衰厄會平夷過尤除蕩更增祿算允介福
祥誓勤忠孝之規上答君親之念永銘素懇
祇荷玄慈不任謝過祈恩懺災之至謹詞

張崇胤修廬山九天真君還願醮詞

伏以軫翼雄區匡廬真躅位尊五嶽地控九
江玉闕金城包括神仙之奧府鑪峯雲蓋含
藏真聖之高都宛然凝碧之中迥秀洪波之
上每申瞻禱必介福祥臣頃歲以謫宦九重
漂蓬一葉途經閔境心禱上真冀迴濟祐之
慈必備椒漿之獻精誠既啓盼蟹垂徵尋以

路阻戈矛波驚艦孤帆有隔假道言歸常
貯素誠未酬玄祐今則頒宣聖澤棲憩蜀都
尋禮道宮追思宿願輒申醮酌恭達明誠竊
聞惟感必通道無不在期迴羽仗豈云萬里
之遙少降科車不以三川為遠納茲丹懇顯
敢十二
錫鴻休前願克圓殊恩遐被乞為巨更蠲罪
錄永削災纏成匡堯讚禹之功享二首六身
之壽得傾忠孝以奉君親誓當修勵虔恭依
歸道力不任

伏聞三靈肇位萬象稟形體陰陽之至和韞
天地之真系於是挺才賦命各有職司主死
領生互分開捷纖微具舉考校無遺臣伏慮
前世今生至于累劫愆違易結罪咎旋彰秉
持未契於神明履行或虧於恭恪因星文臨
照值年命凶衰遂搆災危罔知禳謝今則躬
依玉化虔對瑤壇選卜良辰肅陳醮禮伏冀
南宮六聖別賜生名北斗七真明祛死籍三
宮削罪五帝除災酬往願於名山降休祥於
聖澤又臣既頒詔命將赴闕庭江山有登泛

廣成十三

之憂水陸有舟車之險實資明祐俯契深誠
獲達帝鄉克賜元吉敢忘修奉上答真靈臣
不任

漢州王宗夔尚書安宅醮詞

伏聞太朴肇分三靈設位巢穴之風既替棟
宇之制聿興太古聖人隨時立教蓋所以庇
寒暑燥濕備風雨晦明其後象類滋繁擬議
殊廣錯之以乾坤震兌體之以徵羽宮商推
彼陰陽運其刑德乙辛庚癸互列職司子午
丑寅旁羅主宰六神四殺之界龍虎交馳五

黃九紫之鄉禎祥藂萃法覆載而成用揆星
日以程功乃考吉凶實聞顯據所以鵠隨太
歲驚避將軍況在最靈敢忘戒懼巨頊以所
居室宇淋陋非宜遂卜良辰再申締構取諸
大壯棄彼僭奢慕剪茅築土之風佩山節藻
枕之戒汚漫云畢土木告周竊慮畚鍤所興
或違禁忌功用之際或犯神靈乖五姓之宜
虧二宅之要或侵傷地脉或穿鑿岡原或汚
瀆吉神或鎮壓凶位因成灾咎曾未懺陳是
用詳按玄經勵精丹懇虔修大醮恭請真文

敢十二

十

廣成十二

十三

啓靈寶赤書依洞玄符命辟片凶惡安復龍
神謝過延恩祛災請福伏冀三尊降鑒五帝
垂光勅八會威靈命三元將吏保寧宅宇清
爾方隅赦已往之罪尤賜將來之貞吉允膺
祐護永遂乂安其有住宅之中土地之主古
今遷易五姓雜居因此醮壇兼申奠祝歆茲
誠禮各保逍遙往陟福庭勿爲疵癘俾巨舉
家蒙澤九族同榮常傾忠孝之心以奉君親
之德不任

伏以一氣分華三光攝耀照臨群品司牧萬
方遵黃道而有常嚴玄穹而不紊大則繫乾
坤劫曆邦國興亡否泰所宗安危攸屬次則
人倫善惡年運吉凶祚曆短長咸歸主宰臣
以身宮之內土耀所經本宿之中暗虛所歷
大小行運皆值衝妨命位之鄉天符所駐災
危重疊疾厄嬰纏徒訪三醫未祛久疾恐是
積生罪目構此凶衰徃世愆違成茲滯厄或
理務之所刑賞不明立身以來過尤結集神
明咎責年命屯蒙夙夜憂競願申祈謝是用

廣成士

考詳纏緯披按科文恭詣靈壇虔修醮禮仰
中方而瀝懇瞻列象以馳心拜手炷香披誠
悔過伏冀玄司衆聖垂大有之慈至道高尊
降載生之澤蠲除罪犯解削災期和釋冤仇
銷平殃對使百關宣暢六氣均調疾苦痊瘳
福祥臻會延生南斗落死北宮克承覆祐之
仁敢負真靈之貺



廣成十三

廣成集卷之十三

殿一

上郡太清宮內供奉應制章大德賜紫柱光庭進

詞
莫庭又為安撫張副使生日周天醮

伏聞道分一氣人配三靈善惡發於丹誠吉
凶應於玄極苟興嘉願必叶殊祥況在名山
俯臨仙洞炷香祈願瀝懇陳詞必能響達神
明顯垂福祉伏以當川安撫副使張琳稟澄
遠之識秉清正之心穎鑒無私忠貞不撓推
公奉主虛懷同止水之明御下恤人從善有

轉規之易況連營貔虎四時之犒賞皆豐積
歲干戈千里之輓輸無闕言惟憂國志絕營
家每切勤恭動忘寢食人皆受賜孰不知恩
臣孤子官名低摧翅羽恃其拯護方果奮飛
思禱具靈用申答効今屬陽和動煦林谷舒
春爰記生辰虔修大醮仰星文而貢懇遍川
嶽以歸心香雜漢雲燈和嶺月千巖景寂午
夜風清展肅恭莊敬之儀備蘊藻蘋蘩之禮
伏願光廻三景颺降十仙鑒茲醮酌之誠錫
以昭彰之福延二首六身之壽除五行三命

之災善功克懋於仙階陰德光隆於世緒然
後封隅寧謚邊徼晏清瘡痍無侵戈鋌罷用
聖主洽垂衣之理藩垣著柔服之恩幽顯咸
安飛沈各遂敢忘砥礪以奉休明不任

莫庭乂九宮天符醮詞

伏以博厚成形中黃定位統水火而稱長冠
金木以居尊孕育萬靈苞含五緯上惟邦國
下及人倫凶吉攸司安危是繫臣本宮震卦
五鬼所臨運氣飛旗仍當此月恐為災厄尤
切憂惶虔考吉辰精修醮禮伏惟鑒其丹懇

錫以鴻休迴危就安變凶成吉解災除厄增
祿延年眷屬康寧公私和泰不任

衆修南斗醮詞

伏以大道凝真玄功化育清濁之源既異陰
陽之位亦殊南斗上宮實司生籍上惟邦國
遍洎人倫壽紀短長祿祚豐薄咸歸主宰無
間纖微臣等獲遇聖朝躬逢道運覆載稟質
動用愆違處世立身寧無過咎未申懺謝因
搆災危又恐宿曜行年九宮三命或逢災厄
或遇刑衝神道難知凡情罔測須資香火用

廣成士

罄禱祈敢以吉辰虔申大醮伏願流光下燭
玄鑒俯臨察丹切之心降厄洪之福祛災度
厄增祿延年削罪自於陰曹上生名於陽籍
公私和暢眷屬康寧存歿沾恩幽明蒙祐不
任

胡賢常侍安宅醮詞

伏聞易象垂文取諸大壯聖人著法代彼層
巢棟宇聿興古今是則由陰陽而定位配刑
德以裁規爰命衆神各司其職逆之則凶而
獲戾順之則吉而降祥臣頃以所居不庇風

錫以鴻休迴危就安變凶成吉解災除厄增
祿延年眷屬康寧公私和泰不任

衆修南斗醮詞

伏以大道凝真玄功化育清濁之源既異陰
陽之位亦殊南斗上官實司生籍上惟邦國
遍洎人倫壽紀短長祿祚豐薄咸歸主宰無
間纖微臣等獲遇聖朝躬逢道運覆載稟質
動用愆違處世立身寧無過咎未申懺謝因
搆災危又恐宿曜行年九宮三命或逢災厄
或遇刑衝神道難知凡情罔測須資香火用

廣成十三

罄禱祈敢以吉辰庚申大醮伏願流光下燭
玄鑒俯臨察丹切之心降厄洪之福祛災度
厄增祿延年削罪自於陰曹上生名於陽籍
公私和暢眷屬康寧存歿沾恩幽明蒙祐不
任

胡賢常侍安宅醮詞

伏聞易象垂文取諸大壯聖人著法代彼層
巢棟宇聿興古今是則由陰陽而定位配刑
德以裁規爰命衆神各司其職逆之則凶而
獲戾順之則吉而降祥臣頃以所居不庇風

兩因時改作隨便營修越月逾時巨功告畢
但慮起土運石增下損高畚鍤所侵不知禁
忌穿鑿所及有犯神明未申醮謝之儀常切
兢憂之懇兼以所居之地五姓相因歲月既
深主宰非一慮其神識尚有淹延憑此醮行
俱令遷拔是敢肅嚴庭宇恭啓法壇請靈寶
符文按太玄科典降延真聖披露懇誠伏惟
五帝鑒臨衆神昭祐勅下符吏宣告地司安
鎮龍神銷平犯觸使凶殄殄息真氣滂流穰
未兆之災衰納惟新之福祚蕩伏尸故氣遷

廣成子

滯魄遊魂自明及幽咸得其所六甲五行之
象九宮八卦之方各靜封隅永垂貞吉闔門
清泰舉室康宜勉勤修勵之心以副真靈之
既不任

胡璠尚書地網醮詞

伏聞五緯稟生三才列位荷陶鈞於至道感
孕育於上玄而曆運推移陰陽升降吉凶倚
伏寒暑循環否往泰來災生福過考諸物理
斯爲格言況在庸虛敢忘戒懼臣行年之內
併屬災期大運居甲辰之中小運當丁巳之

上又茲兩月咸直四宮是地網之鄉兼本卦之位恐成厄會無所告禳更慮宿曜加臨飛旗應變五行刑尅三命衰微雖驛馬臨年恐災能制福退思履行內省身心須在懺祈用明哀懇爰憑吉日虔備醮壇延降尊靈以希照鑒伏惟三官五帝下燭丹誠斗極星君俯流鴻澤注延生之籙錫以福祥焚積罪之書赦其瑕咎解災凶於地網銷厄運於巽宮使壽紀增新休貞允萃公私和泰眷屬安寧永承濟護之恩敢負真靈之祐不任

尹居紘辛酉本命醮詞

伏以大道宣功三靈資始稟形賦命表識定生體化育於坤偶乾竒配吉凶於天曹地府三官考校罪福無遺五帝主張死生成繫臣顧惟塵陋獲奉休明籍係中樞名參內署駕

段一

四

鸞闕下叨步武以多慙日月光中揣分涯而增懼微功未著積過必深每慮前世宿瑕此生罪咎未申懺滌難遂原除又恐三命五行天文年運或逢厄會或值災期犯神明主宰之司違仁義玄儒之訓或侵人利已或改殺

誤傷罪目易盈善功難就或壽齡促少或稟
祿單微常於元命之辰式備醮祈之禮兼將
課念上奉明靈旋以天步艱危神州紛擾或
脫身林嶺或奔命道途五任于茲不遑奏醮
香燈既曠寢食難安今屬銜命西南稅鑣岷
劍道路無阻關梁大開帝澤天波遐通於四
裔歡聲喜色震曜於一方況此少城實惟仙
府可以冥心貢懇可以禱福祈真爰卜命辰
仍當本命費持信禮撰備香花併以此時追
填往醮精誠有達靈鑒必通伏惟採納丹襟

降流洪福獲酬昔願更洽新恩賜臣災厄蠲
銷祿筭延遠存亡俱泰眷屬咸安上願社稷
興昌乾坤肅靜三光順軌六氣均調武偃文
修時和俗阜克迴鑿輅永固龍圖俱諧虔祝
之心盡觀太平之運不任

皇后本命醮詞

伏聞大道垂文玄元演教佐時助國宣化度
人功格象先惠周物表寶章上御人間之懇
願必通天澤下臨真境之休貞允降羣生蒙
祐巨細無遺其今年大運所值三殺之位小

運支木當衰弱之中干祿納音俱逢土塞飛
旗四殺仍在寅鄉羅睺躔尅姓之宮土星臨
乖背之宿火曜行度將入身官行年所經況
當地網又醫方所診臟氣未調榮衛未和正
氣衰薄六脉未復九府猶虛恐構災凶更深
厄運又恐積生往世冤債未除運意行心罪
瑕旋結須憑章奏冀達懺祈是敢依按明科
選求良日列詞備信拜奏章文請天官吏兵
降鑒營護其內安腑臟外却災凶上解星辰
臨照之期下銷年命刑妨之咎冤仇和釋債

廣成士

訟蠲平六氣舒通百關調理衰危超度命祿
增延北宮廻短促之年南極注遐長之壽伏
惟至真大道太上三尊常弘憫濟之慈允錫
安真之福普虔忠孝克勵身心讚明君化育
之仁報至道生成之澤不任

道門為皇帝醮太一并點金籙燈詞

伏聞一氣肇胎萬形資始高垂象緯明判剛
柔統御之權歸于至聖天命帝以司牧帝承
天而撫臨攝提握耀之初君臣定位揖讓干
戈之世道德兼行時危則玄德彌彰運否則

秦祚延之兆今則歲聿云暮氣序將交荷即
日之玄恩禱新春之景貺願酬聖力輒罄齋
誠燃金籙神燈備河圖大醮伏惟高尊鑒省
大帝感通十神常介其休光三載允承於福
祐寶圖隆永宗廟安寧皇帝等壽五山齊明
二景八紘順化萬國宅心皆臻有道之風盡
掃不庭之孽皇太子重明耀彩文教聿昌輔
贊睿謀延洪大業六宮百揆咸均翼戴之心
兆庶六軍俱享乂康之福龍神密衛川嶽恒
安幽顯飛沈永承洪澤不任

洪休自廣大蜀英武睿聖光孝皇帝德符穹
昊功被生靈受命儀乾永康三極神明符讚
人間之玉燭調時律曆均和天上之珠囊叶
度俗臻豐衍歲有蕃登美瑞嘉祥日書月至
猶復晝乾夕惕恭已奉天寅敬幽明憂勤億
兆專極關救焚之念無蕩心悅目之娛軫慮
萬方期于仁壽昨者以四神行運在咸池之
官直符所臨次明堂之野旋興戈甲尋致尅
平彼背盟構逆之徒思漂杵燔枯之敗斯則
神歆睿德天助皇威睹變災成福之祥示國

廣成十三

泰祚延之兆今則歲聿云暮氣序將交荷即
日之玄恩禱新春之景貺願酬聖力輒罄齋
誠燃金籙神燈備河圖大醮伏惟高尊鑒省
大帝感通十神常介其休光三載允承於福
祐寶圖隆永宗廟安寧皇帝等壽五山齊明
二景八紘順化萬國宅心皆臻有道之風盡
掃不庭之孽皇太子重明耀彩文教聿昌輔
贊睿謀延洪大業六宮百揆咸均翼戴之心
兆庶六軍俱享乂康之福龍神密衛川嶽恒
安幽顯飛沈永承洪澤不任

太子為皇帝醮太一及點金錄燈詞
伏聞玄化肇分二儀構象融結定陰陽之位
神明司匡御之權太一天尊高皇大帝坐勾
陳而臨察命神使以周行於是五行八風天
一地二揚鑣雲露駕景星躔順九野以遐觀
潛施炯誠歷諸方而俯燭顯示吉凶惟古及
今敢忘砥礪臣以直符所屆在明堂之宮四
神所行居咸池之位所宜蠲潔用罄禱祈皇
帝受命上玄握符承統弘慈儉之化敦清淨
之基思洽太和以康萬國昨者以鄰封背義

越境于盟殘剽蒸黎侵凌郡邑旋平凶孽盡
廓氛埃指麾元自於睿謀讚助實資於神力
今則封疆寧晏褒漢肅清星紀迴天歲律云
暮當此月壬申之日乃新歲首直之辰輒備
壇場虔申告謝修太一大醮燃金錄神燈下
照幽關上通玄極蕩祛災滯延降福祥伏願
宗廟安昌社稷隆固寶圖攸永聖壽遐長繼
雲官火紀之崇邁炎漢姬周之業速臻一統
克致大同六官式表於匡扶百揆共傾於忠
讜三光昭朗四序均調歲有豐登俗無疵癘

龍神悅豫成五風十雨之祥川嶽又康流澤
馬器車之瑞昭明丹懇上達真靈仰祈鑒祐
之恩廣錫延洪之福不任

靜遠軍司空承肇本命醮詞

伏以至道生成玄功陶鑄陰陽主宰品不區
分稟質誕形仰資神化臣獲逢道廕叨荷朝
恩被服寵光主張戎忤省功庸而未著顧塵
忝而已深夙夜揣循敢忘惕勵尚慮秉修或
闕履行多違旋積愆瑕未申懺滌或五行三
命有刑剋之期九曜列星有照臨之數或宿

廣成十三

仇未釋或往債未祛神道難明常情靡測因
成災滯悔謝無由輒於本命之辰虔申醮酌
依天真科格拜伏大章伏惟高聖感通真靈
鑒護察其丹懇降以玄恩災厄銷平壽涯延
益潛增祿祚廣赦罪愆解已往之冤讎錫將
來之福祐誓傾忠孝永奉君親不任

皇帝於龍興觀醮玉局化詞

伏以天分列宿地布名區燦垂象於圓羅儼
福庭於方澤明施主掌以祐邦家竊惟玉局
洞臺玄元降跡鎮茲都會密邇城闈年紀徒

深光靈不泯虛寂靡殊於林谷貽祥每及於
蒸黎常切敬恭敢忘瞻奉伏自祗膺曆數啓
創朝庭象闕端門須就正陽之位霜壇羽殿
遂從遷革之宜而石室洞門老君真像陳暮
燭朝香之禮惟務恪虔接龍墀鳳闕之嚴彌
加崇潔固可以與天共永終古長存尚慮主
宰龍神陰陽官屬興功擾動衆役喧驚旣踐
暴以爲憂憑醮祈而懺謝爰自古日式備香
壇翹注匪遐真靈必鑒伏惟玄无降祐大道
開恩赦已往之尤違錫將來之禎祚使寶圖

延永杜稷安寧風雨均調龍神輯睦災期蕩
滌罪咎銷平其有直符太一之運行將移地
分火曜土星之臨照欲及身宮願迴力以護
持致微躬之昭泰烽燿不飛於四境沴癘無
撓於兆人永誓丹襟上奉玄貺不任

勅醮諸名山大川詞

數一

九

伏以道列三界地載羣生或仙人修鍊之鄉
或真官總治之所靈基有覩神化無方朕寅
奉上玄光膺大寶俯循區域在潔裡祠邇者
軍國事繁干戈歲用未遑周普常抱惕兢思

述虔恭庶消災咎今命三洞道士并遣使臣
嚴備醮儀潛通玄鑒所願四時有裕六氣不
侵壽命延長邦家興盛皇枝帝祚百辟千官
內自朝廷外及區宇億兆之衆福祐咸均敬
託青詞粗陳丹懇不任

皇帝醮仙居山章仙人詞

大蜀皇帝謹稽首北邙化得道章真人夫以
紫府高真玄洲上士乘飈駕歛坐有立無昇
汗漫以遊神入鴻濛而隱景或明符邦社旁
濟生民或幽贊帝王共清否塞李順興保持

靜帝陶真白佐佑蕭王子年潛諫於府君意
期密悟於昭烈稟之則受禧介福忽之則違
吉貽憂煥彼縑緗皎同日月今者百姓郭迴
芝株藥於仙居觀得真人天寶年所留銅牌
六十字之周旋名姓與年辰備在二百年之
藏秘錢文與篆跡皆全嗣續具明日時無爽
苔侵土蝕固當靈將護持應驗合符實荷真
人示見顧惟蕩德顯契休徵事超於赤伏黃
圖理冠於鳳銜龍負既覩延長之數敢忘兢
業之懷爰啓醮壇冀酬玄德仍雍藪刈棘揆

日僞工俾翠檻朱簷鼎新舊址柳樓遼柱重
認歸途虔祝真靈鑒茲昭報三十六天宮之
遠必降威光萬四千甲子之期永言佩服不
任

皇太子醮仙居山詞

毀一

十

伏以日闕霞房為天中之都會瑤壇桂殿乃
人世之福庭或真聖之所宴遊或神仙之所
窟宅莫不藏奇韞秀演貺流祥濟祐人天幽
贊邦國惟茲古觀果顯殊禎得天寶真符出
老君秘記金文鳥印篆字虬蟠分明而瑞跡

廣成十三

三

如新拂拭而苔痕尚在幾千年之前定聖主
開圖二百歲之昌期吾皇享國御名國姓生
日年辰一一指陳重重符驗繼書薄德備列
姓名載詳圖錄之文益切兢營之懇遐瞻煙
岫仰感靈恩輒因醮酌之筵遙奠焚修之念
上願洪基克固比溟渤以無涯聖壽增延並
岷峨而更峻九圍順化萬寓歸仁普虔忠孝
之誠以副真靈之祐不任

廣成集卷之十四

毀二

上都太清宮內供奉應制文章大德賜紫杜光庭進

皇帝熙仙居山詞

伏以聖主明王必臻符瑞膺圖受錄爰著謳
歌既居億兆之尊遂忝帝王之命洎臨大寶
將及六年教化未泰於生靈華裔尚乖於正
朔兢兢業業罔敢違寧慮刑法之不均恐賞
罰之非當屯兵絡野念富庶之未臻暴骨盈
川固殺傷之不一每思首謝用贖愆尤敢言
圖讖之文併屬庸虛之士今年七月八日漢

州什邡縣百姓郭迴芝於仙居觀採藥掘地
得銅牌長七寸廣四寸上有六十字云老子
通天記云丁卯年甲戌乙亥王生享二百年
天子王從建王元膺王萬感王岳王則王道
宜五字篆文未詳後云洛州北邙化章弘道
天寶年留此明後聖代顧惟薄德速捧殊祥
云曆數之延長紀子孫之次第佩服玄貺益
用兢慙敢罄深衷專申醮謝伏冀畢朝福地
總召名山各駕仙車共歆丹懇示安社稷咸
泰人民致風雨之不愆俾干戈之載戢緊賴

廣成十四

靈貺深寘于懷不任

皇帝修靈符報恩醮詞

伏聞惟天降祐彰瑞於河圖洛書惟帝法天
受命而膺符執契古今所稟曆數迭興臣運
偶玄休德慙寡昧承土德陵夷之後億兆無
依叶金莖啓創之初寰瀛推戴恭膺天寶于
茲六年常以未明求衣日旰忘食兢兢業業
上奉穹昊今則銅版靈文出於古觀示太上
降祥之兆應承乾受命之徵名姓具彰年辰
畢載斯乃豫定於九天之上先期於億歲之

前秘篆昭宣真文煥赫告延洪於寶祚表遐
永於孫謀省已循懷以兢以懼欽惟靈睠彌
切勵修是用虔肅寶齋依歸至道庶諧多福
永庇萬方不任

聖上於葛仙本命化醮詞

聖二

伏以景列上玄山分下土乾坤交應罪福攸
司緬彼靈蹤鎮于天府藏雲噴雨旁資生化
之功玉洞瓊巖深閔神仙之宅果叶殊休之
運爰膺開國之祥惟此命辰配茲真境契清
明之嘉候耀大火之靈光當人天禱福之期

廣成十四

是鸞鶴上賓之日式陳醮祝用達精誠坐宣
室以馳心望白雲而稽首所冀旁沓景貺幽
贊鴻圖羣生共樂於和平萬國必同於書軌
永言修奉以答玄功不任

皇帝又醮葛仙化詞

伏以列宿麗天羣山鎮地爰通氣象以福邦
家每申望秩之儀必介惟新之祐皇帝承天
啓曆應運執符本命之山實惟茲化洞舍雲
兩峯爰煙霞必有光靈潛弘讚祐况當令序
式備醮祈翹首歸心恭希景貺伏惟諸天上

地見香泉
江
黑
草
不
具
烟
初
能
結
礎
鐘
天

章額題御筆崇樓受漢玉殿參雲披文則劉
美才盧照鄰金玉相宣闡教則黎元興蔡守
冲英竒間出昭灼蕃威垂二百年偶以蠻蠻
憑凌王師禦捍撤我層閣壞我循廊庭荒而
綠草欺人樓碎而洪鍾委地或贍軍之日形
階為著宰之場或屯旅之時繡檻為狴牢之
所腥羶溢鼻褻瀆傷神寂寂虛壇久息吟玄

聖俯鑒明誠二真衆仙同流巨渥使帝圖延
永社稷隆昌二十四峯克膺於聖壽百千萬
歲長固於皇基四海九州咸賓睿化五兵戢
息百穀豐穰俱登仁壽之鄉並契正真之道
不任

威儀道衆玉華殿謝土地醮詞

伏聞三境九清林房日闕凝雲結氣宅聖棲
真因法象於上天授規模於下土觀宇之製
其在茲乎所以進退全和必資嚴潔朝元降
福固在清虛況乎仙跡靈壇所務蠲邪蕩穢

用期安靜以契修焚當觀鳳闕乾崗龜城福
地肇興隋運綿歷唐年呈祥則瑞露凝甘發
地則香泉涌浪累彰禎異煥彼簡編碑鏤天
章額題御筆崇樓晏漢玉殿參雲披文則劉
美才盧照鄰金玉相宣闡教則黎元興蔡守
冲英竒間出昭灼蕃威垂二百年偶以蠻蜚
憑凌王師禦捍撤我層閣壞我循廊庭荒而
綠草欺人樓碎而洪鍾委地或瞻軍之日形
階為著宰之場或屯旅之時繡檻為狴牢之
所腥羶溢鼻褻漬傷神寂寂虛壇久息吟玄

之韻蕭蕭古牖空餘擁座之塵盼蠟不虧光
靈有待我皇帝承天啓祚縱聖康時駕豪傑
而濟橫流攬英雄而拯危運超義掩皞邁舜
逾堯屬念重玄凝情大教以為清靜者理人
之要無爲者成化之源三皇則務道爲先五
帝則弘德爲本爰敷渥澤載葺凋零決旬而
碧嶂層分不日而飛軒四合瓊舒御殿將嚴
當宇之容嶽立麟臺即寫扶天之貌香花芬
馥繕飾周圓徒榮廢祐之恩未展醮祈之禮
言念于此憂心惄然又自去載以來繼有危

懼講堂摧圯道侶淪亡慮虧昭謝之儀是獲
真靈之譴敢虔衆懇恭啓福筵伏惟大聖貽
休元尊降鑒錫殊祥於金運增福壽於聖躬
一統寰區大同文軌五兵韜戢百穀豐登咸
承不宰之功共樂太平之化道衆等同臻景
貺各沐玄慈法教隆昌龍神和豫旁資幽顯
普及生靈克遂逍遙盡蒙禎泰往逝者生神
丹霍見居者耀籍青元法界舍生光承道蔭
犯觸之咎俱乞銷平臣等不任

伏以太上玄元陶融萬化五老上帝統御羣
生九曜宣照燭之光三官主賞刑之籍共司
品彙以播玄功由是北臺陳校勘之科南府
示獎延之錄蓋欲使人倫之內知懲勸之方
各勵精修用寡尤悔有過者可期於懺滌有
災者可至於祈禳廣此洪私大彰神化真經
典幽顯蒙恩臣猥以塵凡早崇至道棲心
稽首常依清靜之門世網俗纏莫遂逍遙之
願久嬰微恙猶未痊除近屬傷寒尤增羸瘵
值大運小運與生日相刑土星火星照行年

之位天符飛旗臨本官之上飛天火曜居今
歲之中支命納音氣皆衰薄以茲厄會倍切
兢憂是敢虔罄丹誠叩祈玄聖恭修醮禮披
瀝上聞伏惟大道弘慈至真下濟垂好生之
澤降罔極之恩賜臣以罪咎原除冤仇和釋
災凶銷解疾疹瘕瘵續將盡之年齡錫惟新
之祿祚息幽陰之債訟絕往世之考延六氣
內調衆邪摧殄得勵為臣之節永奉昌期普
勤修道之心常弘大教不任

啟二

五

伏以列曜五行是司罪福上棟下宇亦有主
張於成生孕育之間寧無凶吉在應護居樓
之內必有愆瑕須憑道力玄功以解深災重
過元皇立教三洞垂文敢按經科虔祈福祐
臣祖母代國太夫人某氏年八十歲本命乙
卯三月十三日戊午生今以土火二曜居三
合之方天符飛旗衝大運之上五土尅於子
水仍臨生日之辰以此刑妨因成微恙兢憂
戰越罔敢自安伏念臣叨奉聖時獲承福緒
而早悲孤藐繼履家艱惟祖母慈顏得晨夕

廣成十四

侍奉刳心瀝懇願祝遐年今則所疾瘳仍災
躔臨照竊恐居宅之所或有犯違積世以來
或有冤債或往逝有考延之豐或幽陰有訟
逮之文搆此衰危盡希懺解是用選求吉日
恭備醮壇伏惟大道垂光衆尊憫鑒爲臣祖

母某氏解鎮災咎延續年齡增生祿於南宮
落罪名於北府疾瘳除蕩腴理和調神藥潛
資靈官密衛克蒙平愈永賜安貞洎乎宅宇
之中常諧吉祐龍神鎮守邪惡銷亡唯冀勵
修上答玄造不任

蜀王青城山祈雨醮詞

伏以五嶽上司總真粵府雄稱天國峻極仙
都鎮厚地以巍哉捧太穹而峭拔真靈所會
水陸攸尊敷惠育於羣方廣包容於三蜀陽
崖蕩日陰壑藏雲讚時則表貺垂楨叶聖則
呈祥薦瑞古今宗仰遐邇依憑臣叨荷聖慈
鎮臨重地兼梓遂黔巫之境巨微瀘蠻蠻之
封位極台衡任崇將相每慮功輕恩厚福過
災生循分兢榮拊心憂惕自青春屆序甘雨
愆期農畝虧功驕陽害物雖歷申祭祀遍告

廣成十四

神明密雲但布於西郊膏雨未霑於南畝皇
皇衆庶叩向無門竊惟大道垂文天師演教
有章奏之品有祈醮之科將展焚修須依靈
勝是用披心雲洞拜手仙峯佇真侶之感通
冀明誠之御達賜臣以時和歲稔拯臣以雨
順風調驅肥遺於窮荒舞商羊於中境巖蠻
曹屬鼓列缺以舒威洞府龍神震靈靈而助
化消除虐魃蘇息枯苗克歆黍稷之馨允洽
京坻之望臣當悅心求理勩力徇公上答靈
慈求承道祐謹差九都押衙檢校尚書右僕

射前黎州刺史曹嶽與左右街弘教大師賜
紫杜光庭虔誠章醮歸命希恩不任

蜀王葛仙化祈雨醮詞

伏以四七在天垂文定位三八鎮地設象分
靈列宿所以統幽明諸化所以司罪福況心
宿為天皇之府上清乃神仙之都迥控長川
倚玉輪之聳秀雄臨巨屏面銅馬之膏腴緬
彼福庭廣蔭庸蜀臣本命所係獲在茲山而
謬握珪符仍居仙域每慮位崇任重力寡才
輕超五爵以疏封制六鎮而為政或賞刑乖

廣成十四

九

當或撫字失和下有怨咨上虧仁育兢愛未
暇咎戾旋加粵自仲春即愆時雨塵侵壠畝
赫日騰威風鏢郊原油雲匿影生靈歎息懼
失於農功沼沚魚鴨將懸於枯肆焦勞在念
叩啓無由至於餽膳精豐備陳於廟貌牲牢
肥膾無恡於禱祈徒罄誠心靡聞響答仰惟
神仙濟物罔間幽明大道好生普均慈施太
上著修禳之品三天開奏醮之科恭望神峯
遠傾凡懇虔申大醮仰叩至真伏惟憫鑒所
陳大私恩宥赦其愆咎賜以福祥使雷電揚

威龍神悅豫霈霑渥澤克致豐穰南山騰虺
虺之音東作威芄芄之稼永諧望歲允契有
年誓勤修奉之儀上副真靈之貺不任

什邡令趙郁周天醮詞

伏以天地分靈統之者至聖陰陽不測體之
者至神主宰死生司明罪福有祈必應無感
不通臣謬以非才理茲劇邑賦輿所總徵督
所難鄉里凋荒緝綏尤切洗心求瘼克已徇
公果蒙道力潛資真靈密助徵科辦集境土
乂安疫毒不侵生靈以泰思酬玄造衆竭丹

廣成十四

誠共崇黃籙之壇虔備焚修之會兼申大醮
上答靈恩况境接仙山人懷道化李相國之
神功宛在羅真人之聖力時彰控諸觀之福
庭標二化之真府必垂昭鑒納此誠祈伏惟
太上延慈衆神享祐普資幽顯遐及存亡俱
錫福祥咸蒙濟祐使一方清謐百穀滋豐疫
癘兵戈永無侵軼飛沈蠢動各遂安全巨等
九祖七玄生天受福三途九夜離苦衆真然
乞災厄蠲銷罪尤除蕩潛增祿祚克保年齡
同力運心俱霑巨祐不任

嘉州王僕射五符鎮宅詞

伏聞大道開光五篇垂教凝自然之氣成空
洞之文上正天元下安地紀中制劫運旁福
生靈三界所宗萬神所稟其或其修之地土
木興功暗犯神靈明干禁忌皆憑秘篆以鎮
方隅臣頃以所居須資揆構巨功既畢輒備
焚修啓黃籙之壇場廣申懺拔展五符之醮
酌遍用鎮安伏冀太上弘慈至真流鑒使龍
神寧謐災咎蠲銷永無干犯之虞常荷久安
之福其有從來主宰五姓神靈各遂往生並

廣成十四

獲開度即仰荷大道周極之恩不任

張相公九曜醮詞

伏聞大道凝光上玄垂象照臨九土覆育群
生主錄吉凶司明罪福洪纖備察毫末無遺
而金簡垂文玉書演法開懺祈之路懸悔謝

毀二

九

之儀虔罄明誠必賜昭祐臣某顧惟虛薄運
契遭逢位極台衡務專繁劇詳評獄訟裁制
典刑或爽重輕慮招咎疊或操心屬念偶結
尤違或積世此生未祛寃債靜言循度每用
兢憂今則述滯宮中土星所歷身位之內計

都所臨神首火星仍居對照生月命位俱值
天符以此災躔遂成災厄捫心震惕溼懇歸
依仰玄象以扣祈竭丹誠而醮酌伏惟至真
上聖列曜高尊憫鑒塵凡降流恩宥釋前寃
往債原重過深瑕增績年齡銷平災厄賜臣
以百關調豫六氣和平盡解凶衰全除疾苦
推忠効節永酬睿主之恩潔已凝心上副尊
靈之祐不任

衆修三元醮詞

太上無極大道元始天尊太上大道君太上

廣成十四

老君十方自然靈寶天尊五老上帝三元君
天地水三官三十六部尊經玄中大法師太
極真人三天法師天曹地府三界真靈三官
曹府一切玄司臣等塵世凡微積生福會得
遇玄化參奉至真而跡處人寰身拘俗網沈
淳聲利流浪死生未窮超拔之源徒慕清虛
之旨六情三業動結罪條陰簡黑書旋增疊
咎或前寃往債尚繫冥關故殺誤傷未申懺
露或五行三命災運所臨暗曜明星凶神所
犯常情靡測祈謝無由三元有考定之期五

帝無陟明之典至或九玄七祖猶滯三途注
訟相延愆過委積福盡禍至首悔何門因今
其官校錄之辰衆申祈醮之禮願迴玄鑒俯
察丹誠介福垂恩延生保命九玄開度除右
簡之罪名衆厄清銷上左宮之生錄永蒙道
廢常荷鴻休上願帝祚延洪天元玄晏生靈
和泰遠近又安九稼惟豐五兵自偃九幽六
趣罪爽窮魂俱承曠蕩之恩各遂逍遙之性
不任歸命虔誠懺請之至謹詞

王宗瑒等下會醮六甲錄詞

廣成十四

臣等早以庸虛志希玄奧凝心妙道歸命真
乘參六甲之祕文慕長生之要旨而寄身名
宦莫遂精修三元四始之辰香燈或闕五臘
六陽之會存注莫專恐兼故殺誤傷仍有前
冤往債或行年厄運或宿曜災期曾未懺陳
但增憂惕敢以下會吉日醮籙希恩伏冀五
帝高尊降流禎福六甲真吏洗滌罪瑕上生
籍於天曹削死名於地簡舉家蒙祐七祖生
天祿算增延公私貞泰永勤焚炷以答玄慈
不任

三會爲弟子醮詞

臣以庸微負荷大法敷弘真訓開度天人授
道傳經濟時行化弟子某等夙慕大道歸命
至真奉信玄科參受符籙傳付之後已歷歲
年或慮未受道之前及佩籙之後立身注意
十一
動有罪條三業十躔恣其愆過三元八節朝
謁不專本命庚申修行有關或嗽食葷血穢
亂正真或嗜欲繁華負違禁戒非憑三會難
遍懺祈今因某會之辰考校之節同申大醮
拜章言功謝罪十天歸誠三寶並乞宿殃清

廣成十四

蕩衆罪蠲除善簿定名生宮列籍宥仇和解
債訟夷平真氣內充百關悅豫靈官外護萬
惡銷沈五行三命之中暗曜明星之內永無
臨照長息災凶九祖生天六親蒙福公私貞
吉動靜康宜年命增延福祚遐廣誓令修勵
上答玄恩不任

廣成集卷之十五

上都太清宮內供奉應制文章大德賜紫杜光庭進

皇帝本命醮詞

太上無極大道玄元老君五老上帝天地水
 三官天曹四司君北斗七星君高上玉皇玄
 卿大帝嶽瀆地府甲子衆神伏以二氣裁形
 五行構象稟大道生成之德荷元和亭育之
 恩至於命籙興衰祿祚豐薄立身罪福行運
 吉凶上自天司旁資本命主張考校巨細無
 遺其夙荷洪休仰承玄澤繼天立極應運撫

時慙德教之未孚，慮賞罰之或失，徂懷坤悒，馭朽兢憂，惟仗神功，以康黎獻，是用真心，宣室稽首，靈壇奠道，力以潛資，佇靈真而幽贊，俾五兵偃戢，百穀滋豐，中外和寧，生靈舒泰，普傾修奉，用副玄慈，不任虔祝之至，謹詞。

皇太子本命醮詞

伏以大道分光，天元布化，生成萬象，孕育三才，爰命真官，以司錄籍，五行休王，皆稟於神功，三命興衰，悉宗於靈府，臣夙叨洪澤，備位青宮，侍膳問安，惟勵恪恭之懇，資忠弘孝之難。

廣成十五

酬君父之恩，敢於元命之辰，虔備醮祈之禮，所願祛災悔過，介福延休，增萬壽於聖躬，永安大業，降千祥於寶運，長奉昌期，仰罄丹誠，敢希玄祐，不任歸命之至。

崔隱侍郎玄象九宮醮詞

伏聞上玄垂象，則七政循環，下土推機，則九宮飛化，因其履歷，以示吉凶，由是三命五行，有災祥之應，陽奇陰偶，有善惡之徵，臣今年九宮飛旗，天符臨於中位，五星行度，火曜對於命宮，行年當地網之鄉，大運與小運衝破。

因成疾厄未獲痊平敢緣大道慈救之門遵
太上醮祈之旨披心靈觀翹注虛壇普玄象
以告虔遍靈真而悔謝伏冀南宮六聖開長
生致福之文北斗七元賜輟死降祥之力增
延祿筭消解災凶示遐永之期迴短促之紀
使百關舒泰六氣均調釋往債前寬赦深瑕
重過九玄介福舉族安貞克勤修勵之心上
副尊靈之祐不任

醮閩州石壁玄元觀石文老君詞

伏以造化靈都神仙奧壤秀橫空際翠竦江

廣成十五

千煙靄峯前聖祖之宸儀迥出松篁林內玉
童之真相旁分非雕鎬藻繪之能運天地自
然之妙所以潛流景貺貽福蒸人常祛旱潦
之災幾叶休禎之應况今鑿凝漢渚路隔秦
川祈玄祖之光靈極神孫之播越克清萬寓
以奉羣生無俾沂水橋邊獨掃龐勛之黨霍
山祠畔空摧劉武之鋒虔俟玄威載昌鴻祚
不任祝望希恩之至

醮閩州天目山詞

伏以山鎮地心洞開天目含藏煙雨韞蓄風

雷崖秘仙經泉澄神沼觀署福唐之美邑探
奉國之名憑此禱祈必符禎貺今則翠輿順
動丹闕貽災虔希幽贊之功共啓中興之運
敷聖祖重玄之力更炫重瞳揚宣尼四教之
宗克明四目無使壽春山上猶傳助戰之威
濟順祠前獨美迎鑿之事克弘道化以廣真
風不任虔誠祝望之至

皇后修三元大醮詞

伏聞道化裁成神功亭育氣分二象垂包容
覆載之私節啓三元定罪福賞刑之柄所以

北都泉曲常爲銓赦之期南極文昌每洽超
昇之澤至於人倫之內善惡吉凶虔啓丹誠
即承鴻廕周某叨榮宿福運履昌期備位彤
官輔寧皇極每慙涼德罔答殊休恐往世積
生疵瑕未蕩五行三命厄會或臨火星將及
於身宮天符又居於生日懼成災咎志切懺
祈屬中元大宥之辰是率土希恩之節冥心
靈觀稽首醮壇歷真府以輸誠期迴鑒祐遍
靈曹而露懇願釋尤違賜周某以寬債和平
罪瑕除滌災凶消解年祿延長疾急無侵福

祥臻萃九玄七祖證品仙庭眷屬親緣臻榮
聖日上願宗祧安鎮聖壽遐延紫禁青宮匡
扶大業維城盤石保乂洪基羣僚畢契於忠
貞萬寓咸歸於撫御式虔立禱洪望玄慈不
任歸命瞻天望聖之至

趙球司徒疾病修醮拜章詞

伏聞妙應無方道推濟物玄慈廣運惠普羣
生開祈真悔罪之門垂拯厄希恩之品功成
不宰澤布無涯敢緣覆育之仁輒罄歸依之
懇臣自惟福運榮奉昌期自參扈衛之班遂

涉煙霄之路功輕任重効寡恩深常切兢憂
難酬寵擢近以災殃所迫疾瘵斯嬰軫聖慮
以慰安降名醫而撫視未蒙痊減倍用兢惶
伏念臣跡處塵寰素昧修稟立身復行寧免
愆違或害物傷生曾無惻憫或推鋒禦敵輕

三

四

賜誅鋤總戎乖申令之宜為政有賞刑之失
幽夜致寬仇之訢微躬成滯疾之危又恐往
世積生尚縈罣咎五行九曜兼值災蒙或興
修有犯觸之非或土木有侵傷之所捫心省
過惟切懺祈是敢拜奏寶章崇修大醮告虔

下土謂命諸天伏惟大道垂慈至真鑒祐勅
靈司而解災度厄流神貺而祛疾延生落死
錄於陰曹定仙名於陽簡故傷誤殺寬債和
寧新罪宿瑕玄慈蕩滌普期勵節永答道恩
臣某不任

張道衡塑造北斗七星真君醮詞

臣粵自幼沖恭聞大道歸心斗極屬念玄虛
每有啓祈克蒙慈祐感靈休而罔極報鴻澤
而無階今考卜吉辰以天德合直之日於玉
局北帝之殿塑瑶樞中斗之尊兼以輔星列

于八位狀虹蜺之彩服寫龍鶴之神姿列於
大帝之前儼若中天之會輒備聞告爰命興
功伏惟七聖降臨衆靈昭祐永垂響應長介
福祥俾羣心有禱祝之門品彙得依歸之路
永虔香火以答至真不任稽首歸命之至

杜元繼常侍醮火星詞

伏聞陽靈表瑞火德承天分日域以繼明御
離方而定位爰因夏曆以正歲功由是出入
絳霄循環黃道應期不紊謫見無私雖懸象
著明繫諸邦國而垂災介福亦及纖微臣叨

荷玄休蹈茲昌運立身潔已未階無過之場
元命遊年實配五行之內竊披術曆方有照
臨恐構災蒙伏增憂懼是敢精陳禮物虔備
香燈上祝靈華仰希昭祐伏冀顯消災咎潛
釋過尤錫以福祥賜其貞吉永勤丹懇上答
玄慈不任

王宗壽常侍丈人山醮詞

天地分靈三官定死生之格陰陽懸象九曜
垂照燭之功北府繩違南宮延壽星躔嶽瀆
考校無私凡在人寰皆歸統御臣自惟微薄

廣成十五

獲奉玄慈而履行之間恐乖陰騭運心之內
未合神明日遇災凶復兼愆咎或成厄會莫
遂懺祈今年中官則天符所臨身位乃土星
對照大運猶居於劫殺飛旗又寄於行年三
命五行恐逢刑剋列星五緯更慮照臨所以

輒軻未寧災危頻作非憑至聖無路懺祈虔
罄丹誠克申大醮伏惟上玄眾聖俯降福祥
銷災咎於將來釋過尤於既往六曹司命增
祿筭於丹天七紀專神介休禎於玄極公私
清泰家眷安寧即永荷眾聖弘濟之恩不任

鮮楚臣本命九曜醮詞

伏聞三光表瑞九曜凝暉配金木以司方四
時攸叙定陰陽而立象萬彙生成主宰幽明
統臨罪福臣自惟凡陋獲奉真靈懼履行之
間易成愆咎修持之道未契端真況職務所
司重輕咸繫恐乖省慎更結罪尤雖夙夜在
公敢忘恪勵而吉凶難測倍切兢憂兼以宿
曜所臨輒罄懺祈之懇爰憑本命恭啓醮筵
陳信幣以貢誠列香燈而展禮伏冀希夷至
聖俯鑒丹心辰曜高尊曲流景貺赦罪尤於

廣成十五

既往解厄運於未然究債銷平凶衰除蕩更
增祿筭永賜禎祥眷屬乂安公私清泰誓勤
修奉以答靈恩不任

衆修甲子醮詞

伏以大樸既分元精獨運陰陽肇化支干承
基六十正神統四時而司晝夜八百符吏行
凶吉而定死生大則天地邦家咸遵曆象小
則災祥罪福必繫主張考龍胎石室之經披
鳳篆琅函之要既明宗旨倍切依歸臣等仰
賴神功獲逢道運塵機久閉俗網未祛行藏

不合於儒玄動息必貽於過咎又恐五行之內或有刑妨三命之中因逢否塞非憑至道難懺深瑕輒因六甲之辰五元之首同誠勵志瀝懇祈恩仰碧落以降真拂玄壇而展禮伏冀洪休允洽昭鑒無私咸賜吉祥永銷災厄青宮增祿丹簡延生存歿俱安公私並泰克勤精奉永答靈慈不任

衆修本命醮詞

臣等宿植福緣獲逢道化至真垂教玄旨宣行仰承覆祐之恩常切兢營之懇但慮行乖

禮讓動履愆瑕處俗順時率成罪目積生今世罕有懺祈伏聞三天垂章醮之科正一著修禳之格敢因吉日同勵丹誠恭詣壇場虔申祝謝伏惟三官九府五帝高尊斗極真君命辰靈料錄其素懇降以鴻慈赦已往之過尤釋將來之災厄星曜息照臨之數行年除妨尅之凶年祿增延福祥繁會公私貞吉族屬康寧常期祐護之恩永誓焚修之志不任

庚申醮詞

臣以仰披真訣虔按玄經庚申爲修奉之辰

大帝降考讎之簡是曰三尸陰魄標奏罪名
巨細無遺纖微必紀始定籍於太玄之府終
寓書於泉曲之庭凡在修心實切憂戒冀因
令序同懺深取報備香羞恭申醮謝伏惟三
尊憫護大帝鑒臨斥陰尸妄奏之文降大道
好生之澤使臣等災銷過滅善積福臻九玄
離寒夜之鄉五族獲安寧之祐所為貞吉立
願亨通常傾修勵之心上答正真之貺不任
南斗北斗醮詞

伏聞大象既分三靈設位各禀自然之道俱

廣成十五

垂不宰之功無為則天地長存有用則衰榮
易變吉凶悔吝由此而成於是南極丹篇生
名所繫北都黑簡死錄所歸二宮之考校無
私萬兆之死生攸屬臣夙資善貺獲履昌時
沐浴皇風禀承玄化但慮運心動念乘越五
常累過積非彰明二簡五行三命陰陽有刑
尅之期暗曜列星遲速有照臨之數未伸祈
懺因結災凶敢以吉辰虔修醮禮虛壇夜靜
靈化晨清玄念必通真靈可降伏冀丹臺六
聖司命開延永之符玄極七真大帝除促齡

之日憂危自秦年祿更增幽明同洽於殊恩
眷屬咸均於巨福公私貞吉老少又康即永
荷二宮衆聖同極之恩不任

龍興觀御容院醮土地詞

伏以瑤闕琳宮星房羽殿森列三清之上宏
開八景之中萬彙之所朝宗羣真之所遊息
於是裁模世域垂象人寰周穆西歸擬層臺
而結宇漢皇南矚遵太一以䟽基由是仙觀
靈墟駢羅海嶽風簷霞棟煥麗煙林爲真聖
之所棲亦福祥之所萃頃以龍興觀肇基隋

運歷載唐年日月既深凋推云久是用鼎新
營構特懋功庸况越歲時深虞挽觸爰伸醮
酌安復龍神所期國泰民和時康俗阜克隆
鴻祚永錫玄休不任虔祝之至

中和秦中化龍池醮詞

粵若三氣是分五靈惟龍司造化之機運降
外之妙寄神功於乾象孕玄德於坎宮昔我
祖明皇巡功蜀甸果聞飛躍寔効禎祥爰俾
澹池用資安處今則年光遞易堤址荒殘草
積波痕砂封泉脉應靈未爽盼蠻猶傳每垂

之蹤林木陰森果致感通之事實聖朝之上
瑞豈藩閫之所招願祈山壽鶴年以奉龍圖
鳳曆遐瞻煙嶠伏切惟愉冀憑奏醮之儀以
達歸依之懇謹差賜紫大德上官知真兵馬
使王承琛精誠香火上告真靈不任歸命虔
祝之至

毀三

廣成集卷之十五

廣成十六

廣成集卷之十六

毀四

上都太清宮內供奉應制文章大德賜紫杜光庭進

天錫觀告封章李二真人醮詞

伏以稽考前王握圖受命必荷玄貺以贊洪
基須屬海嶽多虞生靈靡託遂膺推戴奄宅
岷嶠四方之賅貢雖來中土之山川或阻凝
懷求理夕惕晝乾砥礪戈矛申嚴號令佇行
弔伐以拯顛危非有尚於佳兵蓋欲靖其多
難以茲軫念倍用焦勞而郡國諸侯頻獻祥
瑞鱗介羽毛之品聚林竹樹之間或挺質稱

靈書精窮緯候鉤深索隱藏往知來鏤銅策
於仙山證金行於蜀國二百餘年緘秘蹤迹
長新五十八字周旋禎祥盡驗顏惟薄德祇
奉靈休雖揆構華居崇嚴塑貌新邑市之額
展齋醮之科尚歉素懷未酬玄貺爰申典禮
特舉褒崇今封君為鑒聖真人謹遣杜某虔
啓霜壇恭申昭告鸞輜鶴轡將從文始之遊
綠室瓊幃叙列太元之品真人更垂幽贊常
假靈光俾一統於九圍度永昌於大業唯勤
宵旰以泰生靈謹詞

廣成十六

封李真人告詞

惟君仙李芳枝關雲金緒玄丘自誌元非促
景之才道骨真風本列長生之品振衣世表
抗跡雲間馱駒窻電逝之勞得鼇嶺雲行之
趣棲遊蜀國顯晦塵寰三隱靈峯八百餘歲
神丹化石猶存昌利之山拔宅昇天遂表仙
居之宇爰於舊址果獲靈文緘藏久秘於瑤
墟出見克符於金運緬惟涼德祇荷殊休雖
繕飾蹤基肅嚴像貌率齊莊而告謝命羽褐
以焚修尚歉素懷未酬玄德今則考茲具禮

薦以嘉名想星珮霞裳早昇真位而芝泥露
篆願表勤誠循省冲襟良多靦愧今封君爲
玄應真人謹遣杜光庭恭設醮壇虔申昭告
冀流玄蔭永福皇基聞宣室以遐思佇高真
之俯鑒謹意

觀四

三

漢州太尉於仙居醮詞

臣聞至道無爲包萬天而成化玄功有作運
四象以陶鎔覆載含弘古今無爽由是三靈
克叙五緯循常景福被於幽明鴻休覃於邦
國人天荷賴渥澤遐霑臣夙感靈慈獲逢昌

廣成十六

四

運累歷殊寵出居符竹之榮頻洽隆恩入奉
重難之寄顧惟虛薄未著勞能省分憂惶兢
懷震惕雖傾心勩力誓酬君父之私懼福過
災生或復晦蒙之數竊恐主張戎伍宰制封
疆理民有獄訟之繁奉職有賦輿之廣沮勸
有賞刑之用送迎有宴犒之常殺傷有故誤
之憂裁斷有重輕之失因成罪目曾未懺祈
或往債前寬未蒙和釋或星文命運猶值災
期粵自夏初至于秋月久嬰微恙未獲痊除
非憑至道之緣孰致真靈之祐今屬醮陳翠

禪詔降紫泥高仙盼蠻以停輿萬聖昭彰而
介社敢因勝會輒備香饌披寫丹誠虔祈玄
廕伏惟鑒護賜以福祥俾臣罪咎蕩平冤仇
和釋災凶超度年祿增延疾厄蠲銷休積臻
集將壇師律勸陳翼聖之勤青蓋朱輪敢怠
行春之至不任歸命披心之至謹詞

前嘉州團練使司空王宗玠本命詞

伏以二氣運行五材生化稟形賦命咸繫上
玄顧惟微眇之資叨荷裁成之澤克逢昌運
累冒寵榮入居近密之司出領河山之寄主

廣成十六

張戎伍臨莅黎元慙非經濟之才常懼滿盈
之戒果乘厄會遂蹈危機實深睿聖之慈再
齒簪裾之列夙興夜寐感聖懷息寸心徒切
於勤劬微効未酬於君父伏自累年之內災
滯縈仍中秋已來疾恙頻作雖加醫砭靡就

致四

四

瘞瘵竊以土星居身命之宮于茲數歲火曜
臨田宅之位猶在子方太歲為六害之辰小
運當歲破之上雖冬首有木星之福而即時
值行運之災履此凶衰倍深憂懼又恐理民
主務皆繫重難用刑或察於哀矜主膳或誤

於烹宰久爲寃債未遍懺祈又恐往世罪瑕
幽關註注或住宅有龍神犯觸或鄉關有塋
壠損傷流逮於身致茲危厄拊心思過惟切
禱祈敢因本命之辰虔備香燈之禮仰玄穹
而請命罄丹懇以希恩伏惟天地真靈陰陽
主宰降流巨祐采鑒深衷蕩滌罪尤銷除災
厄和平寃豐解釋殃流先人獲泰於冥津後
嗣期安於聖日三關腠理無壅闕之虞六腑
機衡有均調之望賜其痊愈介以福祥續年
齡於將盡之秋保形命於再生之日剴心投

廣成十六

泣瀝懇祈真誓傾修奉之誠上答尊靈之祐
臣某不任虔祝之至謹詞

前漢州令公宗夔上元醮詞

臣聞裁成天地陶鑄陰陽三元爲布化之辰
五絳爲主生之紀總其宰制歸乎至真用能

四

五

福被邦家惠兼幽顯南昌丹錄式弘進善之
階北部黑書爰示繩非之旨是申戒勸廣庇
人天臣獲奉真宗常遵明訓惟勤惕勵上副
玄慈伏念荷國恩深致君力寡功未刊於鼎
鉉賜已冠於人臣出擁節旄總司戎旅荐新

六

寵澤載踐崇榮青瑣位隆黃樞寄重循懷增
懼報主無階但虔焚祝之儀冀答君親之德
今屬天官御節太皞司方少陰敷煦育之仁
大宥布生成之令是敢精持香火恭啓醮祈
仰景象以冥心佇休禎之應念上願寶圖悠
久聖壽延長中外樂康寰區寧泰八紘九土
咸歸一統之尊歲稔氣和永叶無爲之理冥
關朗晏動植舒榮率土普天咸登壽域臣某
乞災凶蕩滌冤債和平罪咎蠲銷福祥臻萃
公私有泰眷屬常寧誓傾忠孝之心克贊休

廣成十六

明之運不任

趙國太夫人某氏疾厄醮詞

妾聞天真憫物大道好生常弘拯護之慈俾
遂安全之願顧惟至化育此舍靈氣氤氳之二
氣裁形昭灼而三元定命吉凶罪福上稟天
司妾以命祿俱衰納音在墓雖值合神之吉
又當衝破之凶遊年既值於天符本命仍逢
於五鬼身宮之內暗曜所纏鈍滯宿中土星
所歷刑厄位上復值火星重疊災衰遂成疾
瘵未復痊退彌切憂惶竊恐前代今生罪尤

未解負財負命冤債未除非憑大醮之筵難
罄憾祈之懇是敢捨其服玩備此香羞嚴設
壇場虔申禱祝伏惟諸天憫護衆聖矜憐申
再造之仁全好生之德三官五帝暗曜七元
南斗北辰天司列宿嶽瀆專聖地府明靈及
妻本宮遊年八卦內外應感三界靈司賜於
曹府之中簡錄之內有冤仇罪犯厄運災期
勅命所司特賜原赦續其祚祿加以年齡滂
滌凶衰蠲平疾苦百關宣適六腑安和重觀
天光再履人事推心勵節永酬濟祐之恩念

廣成十六

善參玄上副真靈之澤不任瀝懇披心希生
請命迫切虔祈之至謹詞

王宗玠宅弘農郡夫人降聖日修大

醮詞

妾聞玄元道祖太上老君凝神三境之中屬

念普天之下將加拯度爰降真儀垂太陽五

色之華駕旭日九龍之舉夢渦川而寓景攀

仙李以誕生陸地開蓮初承玉步虛庭涌井

瑩濯瓊姿宸容彰挺特之儀睿旨闡希微之

教萬天宗稟歷代師資標令節於昌辰錫殊

休於品物宜崇勝會用表精誠妻早悟真乘
嘗參寶籙延生妙篆紫陽丹殿之文飛化靈
圖絳闕朱宮之籍正身心於九室檢神氣於
三關滌過蠲邪利幽濟顯每勤修敬敢息香
燈爰因大宥之期恭備醮真之禮是用馳誠
鶴宇矚想龍輿註四瀝丹款以騰詞拂碧壇而戴
事天闕地府日域星躔三官五帝之曹北部
南丹之署下周川嶽旁遍幽靈畢聲明誠冀
蒙昭鑒上願皇基隆永膺壽遐長道化和昌
聖教宣布九區四裔常尊道德之風庶類羣

廣成十六

生共樂昇平之運妾九玄七祖徃逝先靈擢
質丹陵生神碧落災祛未兆善降無涯年算
更增罪瑕俱釋誓虔注念上副鴻慈不任歸
命之至

洋州令公生日拜章詞

九

伏以三天布化正一垂文煥啓玄功廣濟羣
品欲使天光下燭陰關息幽翳之悲凡懇上
陳陽景遂宣通之願由是敷二十四籙命千
二百官統領人倫主張真籍騰心靈為騎吏
飄香穗為驛龍積思而感契可期拯護而誠

明必達古今宗奉惠渥昭彰臣夙慕正真常
叨廕祐將壇相印未申報國之勞潔已澄心
每切修生之願今則虔膺綸詔暫撫遠邊爰
屬生辰輒祈靈貺恭陳醮禮精備章文伏惟
大道延慈天師鑒祐降兵官將覆祐護持俾
其成過成功烽煙罷警殊芳草面咸極負以
歸仁獷俗悛心盡梯山而向化佇清寰海永
致雍熙臣祿筭增延災凶殄息道運寧泰將
吏輯和普及幽明俱承玄祐不任歸命虔祈
之至謹詞

廣成十六

東院司徒孟春甲子醮

伏以大道開光玄元垂化氣分五緯五帝操
代謝之權節布三元三官主死生之錄由是
百神受職品物知歸寒暑推遷成歲功而明
罪福支干配合統人事而定吉凶今古攸遵

聖四

應靈無爽臣叨承玄廕獲佐昌時福過災生
每切持盈之戒才輕任重惟虔報國之誠今
者候及上元序新六甲考校當天官之首司
明值甲子之初屬此令辰恭修大醮敢期玄
聖俯鑒丹誠臣某伏念身遠庭闈禮遙溫清

今茲迎侍尚阻江山况隴硤縈紆江波濬險
惟憑神力莫保畏途伏惟五帝高尊三官大
聖六十甲子應感威神俯迴盼鑾之靈特降
昭彰之祐使輕舟利涉萬里無虞靡勞陟屺
之吟速遂綵衣之養俾諧懇願敢負明恩誓
勤嚴奉之誠永答真靈之祐不任歸命披心
禱祝祈恩激切之至謹詞

刁子趙太尉陽平化醮詞

伏以至道分光仙曹列品上浮辰曜下結名
山包洞府以深嚴擁雲霞而秀異潛符邦國

廣成十六

十一

大庇生靈統錄人天主張命籍除災降福有
感必通臣獲奉聖明叨榮爵秩總領戎伍慙
無韓白之功卻握魚符愧乏龔黃之政常虞
盈滿以致災衰早罄丹心歸依玄教傳修經
錄宗仰真靈所願國祚延洪聖壽遐永萬方

致四

九

一統四海會同臣某削落災危蠲銷罪咎六

親蒙福九祖生天祿筭惟增功名克著誓虔
忠孝永奉休明庶期修勵之心上副真仙之
祐恭修醮酌庶達明誠不任歸命虔祈之至

謹詞

廣成集卷之十六

廣成十七

廣成集卷之十七

毀五

二都太清宮內供奉應制文章大德賜紫杜光庭進

宣醮鶴鳴枯栢再生醮詞

惟彼仙山奠茲南土雄盤厚地秀拱穹昊控
綿洛之川原總岷峨之形勝巖巒捧日洞府
棲真連空之松檜扶踈千載之威靈肅穆果
聞祥異顯此福庭垂至陽生化之功變枯栢
凋摧之質柔條迥茂灑瑞露以飄香密葉重
榮動晴風而裊翠神仙幽贊宗社福招叶此
玄休永茲禎貺是用精嚴醮祝仰答真靈凝

心宣室之中翹想雲峯之外所冀華夷昭泰
海嶽晏安稼穡滋豐氛埃蕩定永期祗奉以
副玄私稽首謹詞

李忠順司徒拜保護章詞

臣聞道用無方神功不測隨機應念惟感必

敬五

通正一垂文傳寶章而拯物盟威立訓陳醮
品以濟民粵自古先逮于茲日惠覃顯晦澤
普天人臣某夙荷玄慈獲逢聖日天波浩蕩
人爵優弘慙無經濟之能深慮寵勞之極況
居司戎伍出鎮魚符或賞酬乖善惡之宜刑

廣成十七

律有重輕之失俗懷咨怨民抱傷嗟有一於
斯式彰譴咎又恐五行三命運值災蒙暗曜
明星或當臨照或經過水陸侵觸龍神或土
木興修犯于禁忌或前寃往債或故殺誤傷
動結罪條兼逢厄會致成疾恙彌切兢憂禱

惟大道好生至真設教著祈禳之典開懺謝
之門是敢虔備壇場精修章醮拜天悔過瀝
懇希恩伏惟三境高尊諸天大聖降流慈施
憫鑒塵微勅天府地司遍陰曹陽境解消災
厄原赦罪尤削落凶衰和平寃債蠲除疾苦

安鎮魂神六氣均調百關宣暢易短促之數
賜延永之齡萬罪千災咸遂超度普虔修勵
仰奉真靈臣某不任謝罪祈恩披心請命之
至謹詞

東院司徒郡夫人某氏醮詞

殿五

伏聞大道垂科玄真設教正一有祈恩之品
河圖有謝過之文虔告尊靈必賜昭鑒某氏
以夙叨靈貺擢質人寰祇荷恩庥常深戒懼
近者忽嬰疾恙未獲痊平竊恐履行立身措
情屬念有違誤之過有抵觸之非或結疊流

廣成十七

三

殃有所延注或明星暗曜有所照臨構此災
纏未蒙消解旦夕憂懼罔敢違寧又以身宮
之中當土曜行度命當危迫誠切告祈是敢
遵按明科虔修大醮伏惟三寶上聖九曜尊
神垂罔極之慈降護持之力賜某氏解消災
厄和釋冤仇延續年齡增加祚祿使百疾痊
愈六氣均調蕩滌凶衰蠲除罪咎永期修奉
上答玄恩不任謝罪祈真虔誠請命激切之
至謹詞

東院司徒莫公醮天羅詞

臣聞賦祿稟形資於道化延生保命繫彼神
功至有三命興衰五行代謝星躔經歷卦象
吉凶苟逢厄會之期必示修禳之旨是則玄
真懸俗大道好生垂法濟人有感斯應三天
正一寶章宣致福之儀太玄河圖醮品啓移
災之旨古今遵奉拯護尤多毀五臣叨荷靈休躬
逢昭代恩榮隆異名分超逾拊已循懷每切
器盈之戒誓心勩力常思福過之虞今則大
運猶住戌鄉小運仍當亥位今年之內併值
天羅竊慮舉念屬心率成豐咎積生往世宿

廣成十七

有愆瑕雖切秉修寧無違誤又暗曜行於辰
分火星在於身宮况寵極才微功輕位重恐
貽災滯深積兢憂是敢故按玄經肅恭丹懇
精修醮禮拜奏章文謝過九天祈恩衆聖伏
冀真靈鑒省渥澤滂流詔天境地司勅陽官
陰府赦罪尤於旣往蕩衰沴於將來消宿曜
之災解天羅之厄豐延祚祿增益年齡得度
忠孝之誠永贊聖明之化誓勤砥礪上副玄
慈不任歸命之至

田崇謙盧昭又受六甲錄詞

伏以至化將行玄文肇著五千垂孝六日
圖首於虞舜之朝傳自姬周之代修於內則
凝真及一駕日月而躡煙霄行於外則保國
寧民康品彙而豐萬宇為法之本歷代所尊
臣等獲賴玄符況逢皇運真風廣被妙旨遐
宣願遂參修永期遵守允當嘉節虔露明誠
伏惟元聖融慈衆真流鑒成其懇願降以威
光使存注感通功行圓就九玄開度積過蠲
消福善攸臻壽年增益濟人佐國弘道宣經
永揚清靜之風克果希夷之道不任歸命之

廣成十七

五

至謹詞

范延煦等受正一籙詞

伏以正一南宮紫陽玉殿秘陽華之真籙緘
飛化之靈圖下可以制御兇妖宣和氣序上
可以輯寧區宇朝會神仙保國安人古今攸

毀五

四

稟臣獲逢聖日咸沐道風早振氛囂俱棲羽
褐願期參受克勵焚修伏惟衆聖弘慈俾諧
宗尚衣星履斗契九天飛步之蹤佐世立功
成大道化時之効炷香拜手歸命析真翹望
玄恩不任傲切之至謹詞

王謙修醮拜章詞

伏聞河圖寶典垂醮品以濟人正一明科顯
章文而助化俱宣道要廣福生靈臣獲奉玄
門叨參秘籙而焚修每闕過咎旋彰主務在
公動多悔吝或詳評獄訟賞刑有爽於重輕
訓撫師徒沮勸有虧於申令捫心省已夙夜
增憂非仗玄功無門懺謝又五月之末土火
將入於身官以此憂惶志希禳救今則精嚴
信幣求乞章文伏惟太上衆尊三天化主垂
大慈之澤降罔極之恩命天官吏兵依職祐

廣成十七

護賜臣罪瑕除蕩寃債和平九曜迴臨照之
災三命息刑衝之厄克獲貞吉常遂亨通普
虔焚炷之誠上答尊靈之祐不任

刁子宗勉太尉謁靈池朱真人洞詞

伏聞生成妙道弘大教以度人不宰玄功布

敬五

五

慈風而及物隨迎靡滯拯護無遺由是青簡

丹篇繼著登真之品幽關夜府亦該鍊化之

仁薪火傳明古今攸普某身逢景運名造真

乘每虔焚祝之心潛希道力冀落延洪之福

上答君恩期靈常勵於丹襟屬念早參於玄

籙翹勤徒以景仰何階伏惟仙君道逸真淵
壽逾遼鶴指三山而高舉莫認雲程越累歲
而暫歸想悲塵世某慙盧敖之末跡瞻若士
之遐蹤瀝懇齋心燃香拜手佇迴真鑒俯沃
玄波俾於修學之中少達希微之趣推誠律
已永酬君父之慈見素全真願奉神仙之躅
不任

大傅相公修黑符醮詞

伏聞至道垂科正一啓醮祈之品河圖著訓
太玄開懺謝之門蓋所以拯護人倫恢弘法

廣成十七

七

力恩麻廣被今古攸宗臣運偶昌期叨膺重
寄雖竭誠而報國未効滄埃懼福過以災隨
因罹疾疹今則黑符飛化五入中宮本祿納
音爲災尤重是敢冥心玄極稽首清壇恭備
香燈虔申醮祝伏惟玄元降鑒五帝宣慈勅
九宮貴神命三官曹屬解消厄運和釋冤仇
蕩滌罪瑕增延祿筭使百關調豫久疾痊平
誓傾忠孝之心冀啓聖明之澤永遵妙道仰
副玄慈不任

洋州令公宗夔宅陳國夫人某氏拜

章設九曜誌

伏聞天地萬靈陰陽庶品資元和而覆育稟
道氣以生成三命五行是定吉凶之數南宮
北府爰司罪福之文善惡無遺錙銖不爽况
復三元遷易九曜躔移示調降祥影隨響答
得不兢懷悚惕祇敬真靈某氏以土火二星
行於午地既當命位仍在身宮小運丑中况
為六害大運戌上又值墓鄉大運則午命稍
衰小運則王祿初薄以茲憂懼恐履災期是
敢精勵丹誠歸依玄象遵拜章之典式稽首

廣成十七

三天備祈醮之物儀馳心九曜伏惟至真憫
祐眾聖垂恩赦往歲之罪瑕解積生之寃債
消平火厄拯度凶哀延益壽年增加祿祚克
蒙覆護常賜安貞永奉靈真誓勤修敬不任
歸命虔祈之至

洋州令公宗夔生日南斗醮詞

伏聞列曜凝光麗天垂象南昌上府生籙是
司致福流祥潛資邦國河圖秘戒式明瞻敬
之文正一靈科亦備存修之旨敢披玄訓虔
罄素誠臣夙荷洪休躬逢景運便蕃寵澤踐

歷恩榮無濟時匡國之功叨相印兵符之重
循懷震惕難酬造化之私誓志恪恭冀答君
親之德但勤砥礪敢忘初終是以輒就生辰
精修醮禮仰丹臺而稽首望玄極而冥心靈
炷騰煙期達九清之上良宵効懇願通六聖
之前賜臣災滯蠲消冤仇和釋增加祚祿延
益年齡赦已往之過尤介將來之禎福九玄
昇度舉族康寧普嚴尊奉之誠永副真靈之
祐不任歸命虔祈之至

青城山丈人殿功畢安土地醮詞

廣成十七

伏聞混元既判融結分形惟彼岷山廣吞西
徼壓三江而作鎮冠五嶽以居尊窟宅神仙
舍藏洞府層峯疊嶽捧日月於雲間積翠堆
嵐隔塵埃於人世闢天國而真靈雜集廓成
都而芝朮駢羅是曰福庭統茲形勝希夷真
君道成上古名重高真軒帝南巡賞展師資
之禮明皇西幸仍加崇飾之功啟豐祠於炎
漢之年旌懿號於中和之日每彰休應丕祐
寰區頃者躬拂煙蘿仰瞻羽衛眸容在目寤
寐寧忘近以闕闔層楹風凋雨漬歲華暗質

九

頽朽可虞爰命慧進大師行真度之於二
茲大壯飛甍耀景碧雷排空四垣之圖像如
新重檻之階陛不改爰復正寢永播玄休俾
天地山川神明職秩常加禎貺大庇烝黎驚
暴不侵沴瘥無作稼穡蕃稔風雨以時旻穹
觀壁合珠連夷夏覩文修武偃邊烽靜息妖
孽殲平車書佇混於萬方正朔期同於九有
生靈蒙福宗社永昌式勤蘋藻之儀常奉馨
香之薦遣廣成先生杜光庭虔修大醮昭謝
真靈遐望雲軒仰希玄鑒謹詞

廣成十七

宣再往青城安復真靈醮詞

十

蓋聞天設神墟地開仙府真靈是宅幽顯攸
尊握羣嶽之紀綱司萬方之休否雲峯霞觀
歷代所崇垂貺庇人古今受賜頃者以遠披
蘿薜躬造軒庭仰堂宇之威容覩四垣之儀

號五

衛光靈如在翹屬常深遂命圖繪神姿鋪舒
內殿朝燃玉穗夕備銀釭禱祈蓋切於生民
注念非關於秘祝欽惟不昧必鑒斯誠今則
山觀之中已加興葺鼎新殿宇別命焚修既
無葦雜之虞益有清嚴之致是用特申醮禮

第 25137 号

平成 3.11.22

聖和學
園短大
圖書館

928

コ

3

精具告陳謁請真靈復還仙觀覽幢鶴鳴優
游松月之鄉蕙郁蘭芬瀟灑虛無之路永安
真域丕祐邦家自茲寰海之民常獲厖洪之
福不任祝望之至謹詞
廣成集卷之十七

